

1145

no. 3

ADVIS,  
REMONSTRANCES  
ET REQUESTES AVX  
ESTATS GENERAUX  
tenus à Paris, 1614.

*Par six Paysans.*

ADONIS  
 ROMANUS  
 ET REGIUM  
 ET REGIUM  
 ET REGIUM  
 ET REGIUM

ADVIS,  
 REMONSTRANCES ET

*Requestes aux États généraux  
 tenus à Paris, 1614.*

Par six Payfans.

LE BOURGVIGNON.

*86. p<sup>re</sup>.*  
 ET à vous, Messieurs, & à vous.  
 Vous estes empeschez, non pas  
 comme vne poule qui n'a qu'un  
 poulet : mais si vous ne l'estes, à tout  
 le moins vous le faictes : Je dis les  
 empeschez, aucuns & non tous.  
 Vous nous voyez icy bien equipez,  
 qui auons pris la hardiesse de venir  
 au lieu Sacré; Auons disputé lon-  
 guement pour les rancs, en fin la  
 Bourgoigne l'a emporté. Premier  
 ou dernier, cela n'importe, pour-  
 ueu que les affaires aillent bien. La  
 derniere lettre de l'Alphabet est auf-

si necessaire que la premiere (dict nostre Curé.)

Vous contemplez le Picard, habillé de mesme que moy, tous deux auons la teste chaude, bons payfans, bons laboureurs qui le trouuons bon, si faictes bien vous Messieurs des Estats, tant Clercs que Laiz. Voyez le Champenois & Briois avec la faucille vestus de peaux de veau. Le Poiteuin avec sa grande sequenie & ses sabots, vestu de peaux de Cheureau. Le Bretõ fort & dispos, testu & opiniastre, vestu de peaux de vache. Le Tourangeau avec gros chapelets, vne branche de meurier à son chapeau, & dans sa main vne serpe a emunder les antes. Nous voycy qui venons demander justice au Roy. Nous sommes compris sous le Tiers Estat, & esperons que ceux qui en ont la charge s'en aquiteront.



Vous nous voyez simplement couverts de ce que la Nature nous donne, sans beaucoup d'art, non sans peine. Nous ne sommes pas si estranges en nos habillemens que le paysan du Danube, au temps de Marc Aurele Empereur, mais nous auons à vous dire plusieurs choses & autres. Ceux qui ont pris la charge de parler pour nous (s'il leur plaist) excuseront nostre iuste douleur. Nous voicy pour dire nos griëfs avec toute humilité & reuerance à nostre Roy, Image de Dieu, son Lieutenât en Terre, ouy son Lieutenant, & bien d'une autre façon, que les Decretales modernes ne chantent, & quelques faux Docteurs enseignent. Vous cognoissez bien ces Prouinces qui en tout ou en partie ont esté gaulées, c'est à dire, broutées, desolées. Nous demâdons justice, qu'on

nous rende nos vaches, nos veaux,  
nos cheureaux: mais nostre bon fro-  
ment & nos vins engoulez par les  
Suisses & autres oyseaux de rapine.

Les Testes sont venuës les pre-  
mieres à ceste assemblée, elles s'en  
veulent bien faire accroire, comme  
de raison. Nous sommes les jam-  
bes & les pieds. Qui aura coupé les  
pieds & les jambes à ces belles Testes,  
les vnes mitrées, les autres empenna-  
chées à la lansquenette, les autres à  
quatre goutieres il y en a qui se trou-  
ueroient bien estonnez. Coupez aux  
genoux vous auriez tous fort mau-  
uaise grace, mais qu'il ne vous en  
desplaie, Messieurs, feussiez-vous  
avec belles quilles d'yuoire ou d'E-  
bene bien dorées & pindarisees. Qui  
auroit osté les fondemens du Lou-  
ure ceste belle Architecture ne serui-  
roit pas de beaucoup, & ie m'en

rapporte à vostre jugement. Nous sommes les iambes & les pieds qui portons ce grand corps, de plus le ventre qui le nourrissons, Bazes, & Piedestaux qui le soutenons. Tout cela abiet, incongnu, sans aparence. Quand on en parle c'est avec tant de mespris, ce manant, ce vilain, ceste lie. Cela est vray, sans esclat, sans ornement. Disons plus, la Cloaque, la Sentine de vos passions, de vos furies, de vos rebellions. Nous portons, entretenons, & engraissons tout au contraire de la rate qui s'enfle & desseche le corps, nous sommes dessechez & mangez & (ô malheur!) le iouët du Monde & la Balieure.

Nous engraissons ces mitres & prenons patience, parce que c'est à bonne intention afin qu'on prie pour nous, qu'on nous instruisse, qu'on nous corrige, & le monde



ſçait comment la plus part s'en acquitent & comment on nous endoctrine : Mais combien il en eſt parmi eux qui n'eſtudient mie de peur des Auripeaux. I'ay quelque opinion qu'il s'en trouuera plus de mulets qui ſentent l'Asne que de chevaux d'Eſpaigne. Auſſi ne ſont-ils pas hommes de guerre, comme iadis aux deux premieres races de nos Rois, horsmis l'Eueſque de Poictiers & quelques autres que ie pourrois nommer de Doctrine, de Qualité & de Probité qui degaineroient s'il en eſtoit beſoin.

Nous engraiſſons ces Eſpees, parce qu'elles nous conſeruent contre les eſtrangers qui nous auroient tous mis à ſac ſans elles. Pour ceſt item nous y contribuons de bon cœur, toutesfois nous deſirerions qu'on y allaſt avec plus de modeſtie, & de cōſideration.



fideration. Nous engraiſſons les Marchands, Artifans, & autres du Tiers Eſtat qui ſeruent à la Republ. Patience: Mais quand à ces bonnets quarrez qui gripent du Clergé, de la Nobleſſe, & du peuple, nous regrettons & lamentons qu'ils mangent nos viures, & qu'ils nous faſſent ieuner pour s'egorger de perdreaux & de gelinotes de bois. La cauſe, Meſſieurs, c'eſt qu'ils ne ſeruent de rien à la Republ. C'eſt vn quatrieſme corps engendré de corruption, qui vit de corruption ſuiuant la maxime des Naturaliſtes, que le corps eſt nourry de la meſme choſe dont il eſt engendré. Quatrieſme corps qui ruine les autres trois qui ſont ſi ſots (pardonnez à noſtre zele Meſſieurs) qu'ils ſe laiſſent manger comme des veaux. Penſez ſi ceſt Andriague n'en eſt pas

bien aise. Et pourquoy le souffrez vous? N'entendons en façon quelconque parler de ces graues Senateurs des Cours de Parlemens, & principalement de celle qui est la gloire des Senats du monde: car nous sçauons qu'il y a beaucoup de gens de bien qui sont Collonnes de l'Estat, mais de tant de Procureurs, Aduocats, & autres sangsuës qui nous succent iusques aux moüelles. Bien nous plaignons nous dequoy ils les tolerent, & pour cest item il n'y a moyen de nous en taire.

Voila donc ces trois corps & ce quatriesme de corruption nourris par nous. Ils se batent aux presseances, ils sont tous boufis d'orgueil & de vanité. Nous les nourrissons tous & on ne fait conte de nous certes, non plus que des excremens. Injustice estrange & incroyable, & qua-

si vn reproche à la Nature de nous auoir faiët les peres nouriciers de ceste Monarchie, & qu'on nous traite si mal. Que nous soyons les piez, les iambes, le ventre, nous sommes encores joints avec la teste, avec le cœur par des nerfs, par des arteres, & auons appris de ces deux parties qu'il y a vn ordre au monde estably de Dieu, vne distinction des personnes & des Estats, mais qu'il y a aussi vne liaison. Nous ne voulons pas estre le cerueau, le cœur, les bras, les mains, la poitrine : Confessons que nous sommes les iambes & les pieds aduouëz aussi que nous sommes le foye. Au moins si nous portons les fardeaux qu'on ne nous tronque pas, que nous ne soyons point mutiliez barbarement, & si on nous seigne qu'on ne nous tire pas tout le sang.



Il y a long temps que nous auons occasion de nous plaindre de ce quatriesme corps, & maintenant nous nous plaignons particulièrement de ces espées. Demandons iustice au Roy pour le passé & ordre pour l'aduenir. En plaine paix (pour le reste du Royaume) batus, emprisonnez, tuez, nos femmes & filles forcées en toutes ces Prouinces, tant d'inhumanitez commises, & personne n'a pris nostre cause en main. Nous sommes aux pieds du Roy nostre souuerain Seigneur qui a puissance sur nous, sur nos vies, sur nos femmes & enfans, disons puissance souueraine: mais il est nostre pere, & ceste puissance il l'a tient de Dieu. Comme pere nous en esperons secours, œuvre de clemence & de bonté: comme la tenant d'en haut nous en deuons attendre justice, de peur que Dieu ne la prene de luy.

Ne pouuons comprendre comment le Roy s'est laissé brauer à ses subjets, prendre ses villes & se cantonner aux fauxbourgs de sa ville Capitalle. Il y a tant de Compaignies de cheuaux legers, de Gendarmes, de Reg. entretenus & le Roy n'a-il pas moyen de se faire obeïr? Nous payons & nourrissons tous. Piez plats (dira quelqu'un) cela est trop congnu & vous ne dites rien de nouueau. Pié pointu, respondôs resté folle (Messieurs pardonnez à nostre juste douleur) c'est ce qui nous cabre & nous met au desespoir. On congnoit l'injustice, la Tyrannie, l'opression insupportable & (ô Dieu du Ciel!) on est sourd à nos plaintes pendant que nous sommes aux derniers traits de la mort. Au Roy donc en sa Majorité, à la Reyne sa Mere la gloire des Reynes, le sou-

tien de la France, & a Messieurs du Conseil nous demandons reparation de nos maux souffers & soulagement de nos miseres pour l'aduenir.

Ce n'est pas pour nous seuls, c'est pour to<sup>9</sup>. Quand la terre ne sera point labourée, ny les vignes faictes & les autres ouurages rustiques que deuiendra le Roy mesme avec tout le reste? C'est donc pour le bié Commun que nous parlons, prests à donner franchement de nostre sang, de nostre gresse, de la sueur de nos corps: Mais que les veines nous soient toutes vuidées, que la substance soit toute deuorée, que nos trauaux soient conuertis en larmes de sang, nous crions à Dieu & au Roy pour auoir vne meilleure condition, ou la fin de nostre vie. Nous sommes dit-on, comme les Asnes qui portent tout. Souuenez-vous



Messieurs des Estats à ce propos, que  
suiuant le Prouerbe Espagnol *El as-  
no sufre la carga y no la sobrecarga*,  
l'Asne souffre la charge, mais non la  
surcharge, & sans le respect de la  
compagnie, nous pourrions dire à  
plusieurs qu'ils deuroient auoir  
compassion de leurs freres.

Nous auons beaucoup de choses  
à remonstrer, aduis à donner, & se-  
crets à decouurir. Nous commence-  
rons par vne lettre intercepte, qui  
nous est venuë en main passant che-  
min. Vous aurez patience d'en ouyr  
la lecture, s'il vous plaist. Aussi vous  
n'avez pas grandes occupations les  
iours des festes.

*Goinfre l'auenturier à Friquenelle, Salut :*

Friquenelle mon amy, ie le disois  
bien tousiours, & on se mocquoit  
de moy, que le Prouerbe Italien est  
trop veritable à mon grandissime

1130. 25 11

regret, *I popoli s'amaZZano, gli Prin-*  
*cipi s'abbracciano.* Les voila tous à la  
 Cour comme aux dernieres idées de  
 Ianuier carefsez, bien venus, teste  
 haute, bon minois que vous diriez  
 qu'ils ont sauué l'Estat. Assis aux  
 Estats ou ailleurs à grans pennaches  
 les vns, autres petits, tenàs leur rang  
 horsmis ceux qui voyent jouier à la  
 galerie, de peur de choquer l'anti-  
 quité de leur Escuffon attendant les  
 ratepennades à la tenuë des Estats  
 aux Calendes Grecques pour estre  
 fait comme de raison. Les voila d'oc  
 gaillards & nous bien penauds, bien  
 lots d'auoir vendu le pré joly, le  
 moulin, le fief sur ces Esperances.  
 Nous dirons, nous faisons. Par ma  
 fressure nous sommes en belle assie-  
 te. Ils faisoient tant les eschauffez.  
 Gueridon nous en auoit aduertis  
 dès le commencement. Le bien pu-  
 blic,

blic, le seruice du Roy. Tout auant.  
 Et puis tout s'est fondu en leur inte-  
 rest particulier. Et nous autres fols  
 de haute gamme de les auoir creus  
 ces Cajoleurs, enjoleurs. (marchand  
 qui perd ne peut rire) ie suis fort of-  
 fencé, ô mon fief! Le serois d'aduis  
 qu'à plusieurs on donnat des cha-  
 peaux de Cardinaux pour faire des-  
 pit aux Romains & aux Castillans,  
 aussi nous en auons trop peu en  
 France. Ceste disgrâce & bricole des  
 fausses Esperances nous doit apren-  
 dre à nos despens que la plus grande  
 finesse est de seruir le Roy. Dieu le  
 commende. Il a plus de moyen de  
 de nous aduancer en vne heure que  
 ces gens là en toute leur vie. Tous-  
 iours à l'Escu de France pour estre  
 bien & qui a le Roy fait tousiours  
 vn leué. I'ay vendu mon fief pour ces  
 belles promesses & ma femme me bar



comme plâtre. Maudite Ambition des grands qui cause tant de maux. A Dieu Friquenelle mon amy, ie croy que tu as aussi mauuaise mine que moy quand tu te souuiens de la guerre de Soissons. L'enrage, je forcene, ô mon fief! Escrit de ma maison a mal garny à la fin d'Octobre & au commencement de ma Diete & de mon Carefme, ô mon fief.

Voila Messieurs des Estats la lettre du Compaignon. Il n'y a Sorbonne, ny College des trois Euesques qui puisse faire vne leçon plus haute à ces Rolands & Mandricars coureurs & picoreurs de Vaches, que ceste naïfue missiue toute mal coiffée qu'elle est. C'est vn fleau de Dieu que la guerre, mais la Ciuile est espouuentable. C'est là où nous vouloient porter ces zelez Eleazars du repos public, ces Brutus & Cassius

& nous les voyons qui font encore les resolus. Nous sommes sujets & deuons tout suporter patiemment par les loix diuines & humaines : Mais souuenez vous que les Peuples n'ont jamais faite de Rois & de Princes sinon pour les conduire au moins pour les manger; Et ils ne se donnent point de peine qui que ce soit pourueu qu'ils vivent heureusement. Marque ceste chaste qui a interest à l'escot.

Nous auons aussi à vous dire que passant chemin nous vismes faire vne plaisante Reueue sans toucher argent. Le Capitaine qui marchoit à la Teste de la troupe tenoit dans la main quelques vieilles Pancartes couuertes de toiles d'airainées, auoit vne Nef de papier sur la teste sans voile & sans Timon & sur vn escriteau la figure d'vne lanterne tou-

te rompuë avec des parolles Barbares qui signifioient *Je vous feray riches*. Ils marchoient à la desbandade ayans presque tous des Tableaux dās leurs mains. Il y en auoit plusieurs avec Chaperons verds & aureilles de lieures & des marotes, leur deuise en Barrogoin, *Plus ou Rien*. D'autres auoyent des coins & des marteaux & ceste deuise, *Tout de bon aloy*. Plusieurs autres estoient là portans vn papier rouge & ceste deuise en chāp verd; *Il sera brulé*, Toutes ces gens de differente humeur & condition estoient là pesse-messe confusément comme des estourdis que ie laisse à vous représenter pour cause de brieffeté, & pour venir aux articles que nous desirons vous proposer pour le bien de l'Estat.



## ARTICLES.

Nous supplions à genoux le Roy  
Tres-Chrestien, le plus grand de l'V-  
niuers, avec toute reuerence & humi-  
lité d'accorder les Articles suiuaus  
(sauf meilleur aduis.)

## PREMIEREMENT.

1. Que sa Majesté iurera solennelle-  
ment de tascher ( avec l'ayde de Dieu )  
d'oster les scismes de la Chrestienté, *Et*  
particulierement de son Royaume pour  
la Religion, estant venu en aage compe-  
tant : Et que sadicte Maïesté fera du-  
rant ceste assemblée des Estats vne De-  
claration de cest article *Et* autres qui  
seront approuez, enregistrez à la Cour  
de Parlement *Et* publiez par tout le  
Royaume.

2. Que les Blasphemes seront punis.

3. Les Simonies ostées.

4. La Paulette & toute venalité d'of-

fices de iudicature , de finances dans le Royaume & de toutes sortes de charges dans la maison du Roy, &c.

5. Que la pragmatique Sanction sera restablie.

6. Que l'aliance du Grand Seigneur sera rompue , & n'y aura plus d'Am-  
bassadeur à sa porte.

7. Que la noblesse sera remise en sa premiere splendeur & administrera la Justice comme anciennement : Neant-  
moins que la porte sera tousiours ouuer-  
te à la vertu pour les charges de quelque condition qu'on soit.

8. Que le commerce sera estably , & les Galeres remises comme du temps du R. Fr. 1. & H. 2. pour y enuoyer si le cas y eschet tant de factieux qui fourmil-  
lent en France.

9. Que nul ne pourra estre Abbé ny Curé qui ne soit bon Theologien , & si plusieurs s'en trouuent aux abois et à

*l'Espagnolle s'en curent a les dens a ieun  
a leur dam.*

10. *Que la recherche soit faicte des concussions & larcins des gens de Iustice, & sans faire tort a personne on en retirera des sommes excessiues pour le Thresor du Roy.*

11. *Que les Commissions emanées du Conseil du Roy n'ayent besoin d'estre cōfirmées par les Cours de Parlement, si ce n'est celle des Pairs pour certains cas. Si iustes elles doiuent estre receues: Sinon on les faict tousiours passer aux autres Parl. par faueur ou par argent. Argent faict tout. Cela est trop cogneu.*

12. *Que le grand Conseil soit osté, non seulement comme inutile; mais comme une eschole de chicane, où ils se hastēt tant à la fin du Semestre (pour ne laisser rien à leurs successeurs d'aussi bon apetit qu'eux) qu'ils ont iugé quelquefois des procès à trois dès.*



13. Que les Baillifs & Seneschaux exerceront leurs charges comme anciennement avec le mesme pouuoir & autorité sans Lieutenans estans presens Et ne pourront en auoir que de robe courte, en leur absence, non autrement, & que les Lieutenans qui sont à present seront supprimez par mort.

14. Qu'à l'aduenir il n'y ait plus de Connestable ny de Colonel de l'Infanterie. Ces charges sont inutiles Et leur autorité dangereuse principalement à la minorité des Rois : & qu'on en face une Loy Salique bien salée qui ne se corrompe iamais.

15. Que nul suiet du Roy quel qu'il soit ne pourra faire battre monoye et qu'il ne s'en metra que de la marque du Roy.

16. Qu'on trauaillera pour les monoyes sur le fin sans iamais en afoiblir le pié & la saque d'icelles defenduë sur peine de la vie.

17. Q<sup>r</sup>

17. Que tous Iuifs seront banis du Royaume ou qu'on ne chantera plus Messe.

18. Qu'à l'aduenir on ne se seruira point d'estrangers pour la guerre bien leur payera on pension pour entretenir l'aliance. Vn Suisse despends plus que six François. La premiere chose qu'il iure, c'est de n'aller point aux assaux Et la veille ou sur le point d'une bataille de tourner ses armes contre nous s'il ne touche argent. Honte & reproche à la France qui à tant d'hommes de ne sçauoir se passer de ses voisins.

19. Que deffences soient faites à peine de la vie à tant de faineans d'aller en pelerinage hors du Royaume qui emportent en Espagne Et Italie plus d'un milion d'or tous les ans. Requeste présentée par Sainct Denis & ses Compaignons Martyrs, Sainct Michel, Sainte Genesuiue & autres qui valent pour le moins autant que les Saints estrangers. Iustice leur soit faite sans attendre le Mandat de Rome

*Et* pour cause.

20. Que deffences soient faites à tous Predicateurs d'esmouuoir le peuple à sedition à peine d'y laisser le moule du bonnet.

21. Que les Officiers dans la Maison du Roy soient Gentilshommes comme anciennement, mesmes du Temps de S. Louys suiuant le mesme ordre.

22. Que les Compagnies des Gendarmes *et* cheuaux legers seront fournies de gentilshommes ou autres de famille honorable ayans de la vertu.

23. Que tous Gouverneurs, Maistres de Camp, Capitaines *et* Comissaires des guerres seront cassez qui en façon quelconque mettront les gens de guerre en la bourse ou le permettront.

24. Que la Chicane sera exterminée. Mais atendant son entiere destruction au salut de tant d'Ames endiablés qui en vivent, on rongnera les robes *et* soutanes



des Chicaneurs parce qu'il n'y a que trop d'estoffe sur ces sots anes principalement quand il fait croté.

25. Que les Duels seront arrachés à iamais Et pour cest effect le Roy iurera de nouveau à son bon iour publiquement & solennellement que le premier qui luy demandera Grace sera lapidé.

26. Que tant de gens de neant faits gentilshommes de la chambre pour cent francs, ou par le Roy defunt durant la fureur des troubles; Autres Gentilsh. ser-uans ou Escuyers pour trente francs en Guyëne et ailleurs seront cassé comme verres de fougere ou autrement sauf leur recours à qui bon leur semblera, sans despens.

27. Que ceux qui ne sont de bonne & ancienne maison ne pourront faire appeller leurs femmes Dames sur peine de punition corporelle: Mais pour pauvres qu'ils soient permis à ceux qui serôt de la susdite

qualité. A eux conseil donné de ne faire pas  
ventre de bureau & robe de velours. Ain-  
sissant de petites Dames du Triq iraq des  
guerres Ciuiles seront deslamees, voire  
dechaperonnees s'il semble bõ aux Estats.

28. Que ces tiltres de haut & puissant  
seigneur, de Messire et de Cheualier ne  
pourront estre mis aux contractz que par  
Comtes, Barons, en fin hauts Iusticiers  
de la vieille impression & non de celle des  
Champignõs d'une nuit à peine de confis-  
cation de leurs fiefs ou de grosses amandes  
ameres.

29. Que les financiers, gens d'Eglise  
& de Chicane contribueront tous pour a-  
chéuer le dessein du Batiment du Louure  
afin d'empescher que les estrangers ne fa-  
cent la mouè en voyant vne si laide entree.

30. Que les Princes & riches Sei-  
gneurs n'aurons nulles pensions, horsmis  
les Officiers de la Couronne et Gouver-  
neurs des Prouinces pour tenir Table seu-

lement non pour entretenir des Pensionnaires et se faire des Creatures aux despens du Roy: Aux leurs tant qu'il leur plaira, qu'ils se defendent du prix.

31. Que dans les Compagnies des Gardes, Cheuaux legers Compagnies entretenues aux Regimens & frontieres ne pourra entrer personne qu'avec cognoissance expresse et permission du Roy sur peine que les chefs seront demis de leurs charges.

32. Que nul valet ne pourra quitter son Maistre sans billet à peine des Galeres.

33. Que les charges de Gouverneurs des Prouinces, des villes, Grands Maistres, Chambellans, Capitaines des Gardes et autres dans la Maison du Roy & ailleurs ne seront point hereditaires.

34. Que le Roy protestera solennellement de maintenir tous ses subiets en bonne paix tant d'une que d'autre Religion.

35. Que les Peres Jesuites ne hanteront



point la Cour suiuant leur institution fondamentale, & ne se mesleront de l'Estat qu'à la façon des bons Peres Capussins sur peine de banissement perpetuel & n'iront plus en Garosse.

36. Que Monseigneur le Prince & les Princes & Seigneurs ses Conuenans quitteront leurs pensions au Roy pour quatre ans et ce sera pour recompenser ceux qui ont bien seruy leurs MajesteZ en ces occasions passees. Plus donneront le tiers de leur reuenu pour autres quatre ans dont sera fait vn fonds pour estre distribué (par des gens de bien) dans les Provinces ruinees, comme de raison.

37. Que les Tailles seront portees par les Consuls & Esleus aux despens des Communautez dans l'Espargne, qu'elles seront imposees & leuees equitablement à peine de la vie.

38. Que ceste confuse quantité d'Officiers des finances et autret sera ostee par

supression ou autrement comme il sera requis.

39. Que ceste multitude innombrable de Sauterelles chicanieuses qui broutent tout, verd et sec, *Et*, en termes indefinis, sont en nombre de plus de trois miliõs, soit abolie, ensemble six vingts mille Sergens qui sont dans le Royaume. Qu'estans conuaincus de concussions *Et* maluersations ils seront enuoyez incontinent & sans Delay aux Galeres et que le General n'espargnera point leur peau.

40. Que nul que les Princes n'entrera en Carosse ny à cheual dans le Louure. Permis aux gouteux, sciatiques et autres maleficiex de se faire porter en chaire s'ils le trouuent bon, par des Suisses ou autres n'importe.

41. Que celuy qui entreprendra iniustement, quel qu'il soit, contre un Officier domestique & commensal de la maison du Roy faisant sa charge sera demis de la siẽ-

ne sans remission & sans exception.

42. Que tout Officier de la maison du Roy qui vsera d'insolence sera casse et puny exemplairement.

43. Que nul puisse auoir ny deux grandes charges, ny deux Gouuernemens d'importance, ou qu'il se forge deux Testes et quatre mains.

44. Qu'il n'y aura plus d'Ambassadeurs ordinaires vers les Estrangers Et n'y seront enuoyez qu'aux occasions, n'y d'eux à nous.

45. Que Monsieur le Pres. Ieannin demeurera en sa charge tant qu'il luy plaira à peine que tout ira en confusion et que le feu S. Anthoine eschaufe quiconque luy voudra faire quitter.

46. Que les Gouuerneurs des Prouinces & des villes changeront de trois en trois ans afin que chacun se rende capable & vertueux Et se ressente de la Beneficence du Prince.

47. Que



47. Que les maisons nobles achetées par des toturiers puissent estre rachetées & retirers par les plus proches parés en defaut de ce, par le Roy en remboursant comme de raison.

48. Que nul ne pourra tenir carosse hormis les Euesques, s'il n'a vingt mille liures de rente ou s'il n'est de grande maison bien qu'il en ait moins, ou ayant charge publique.

49. Que les viures estant à bon marché tout le reste le soit aussi puis que les Marchans & les artisans disent tousiours, les viures sont si chers, pour faire valoir leur chalandise.

50. Que nul à l'aduenir ne pourra estre Chancelier de France s'il n'est gentilhomme portant espee comme anciennement capable & lettré, ou de fort honorable famille & de grande & singuliere vertu & capacité.

51. Que nul Prince ne pourra estre assis

ny marcher au rāg des Princes du Sang,  
ou qu'il n'y aura plus de loy Salique.

52. Que tant de Tresoriers generaux  
& Maistres des requestes seront supri-  
mez par mort & leurs femmes desda-  
mees n'y aura qu'un Thresorier general  
en chaque Prouince qui sera gentilhom-  
me comme anciennement & quatre  
Maistres des Requestes pour tout.

53. Qu'il n'y aura plus que deux Ad-  
uocats au Priuē Conseil dont on fait  
une autre Cohue du Chastelet.

54. Que ces dignitez de Conseiller  
d'Estat ne se donneront plus qu'aux gen-  
tilshommes de bonne & ancienne mai-  
son capables & vertueux: Neantmoins  
que les autres gentilshommes ceux du  
Tiers Estat y pourront paruenir quand  
ils excelleront en vertu & capacité.

55. Que le Roy iurera deuant Dieu en  
faisant son bō iour haut & clair en pre-  
sence de tous, de rechercher & punir les

*Autheurs du parricide execrable de H.  
le Gr. quels qu'ils soient, pour expier ce  
sang espendu si barbarement, afin d'o-  
ster en partie l'opprobre de la France et  
reparer la honte qui nous est faite par  
toutes les nations de la Terre de si grand  
abomination.*

*36. Que loy soit faite stable à iamais  
iuree avec grāds sermens de ne faire au-  
cun Edict qui ne soit iuste & comme tel  
exactement obserué. L'observation des  
Edicts ne dure pas trois iours: Incroya-  
ble ruine à l'Estat & subiet de moquerie  
et de mépris aux Estrangers.*

*Voila, Messieurs des Estats, que  
nous auons resolu de vous propo-  
ser (tousiours sauf meilleur aduis &  
le droit gardé à vn chascun, le  
tout sās dessein, sans animosité.) Di-  
res le vray, Certes nous vous auons  
bien taillé de la besoigne & ne sca-*



uons si vous pourrez auancer à la  
coudre toute eussiez vous autant  
d'aiguilles acérées qu'il y en a chés les  
Peletiers de Paris. I'auois oublié vn  
article *Que nul Almanac ne soit dedié  
au Roy*. Il y en a qui en riront, à eux  
permis. Et nous disons qu'il n'en-  
tendent pas bien les Tropiques ny  
les Tropiques. Que le Cancer man-  
ge & le Capricorne puisse coiffer les  
Testes retrogrades qui n'entendent  
point le mouuement irregulier des  
affaires. N'est-ce pas vn scádale qu'o-  
dedie des superstitions & des cho-  
ses deféduës par la loy de Dieu à ce-  
luy qui doit faire punir les Deuins  
& toutes ces especes de forciers de  
mauuais regard? Il y en a bien d'au-  
tres, direz vous, plus hupez ou plus  
Düpez qui triomphent. Tant pis.  
Nous sommes de pauures rustiques  
qui n'entendõs ny A ny Boy & par-

lons selō vn sens naturel & quelque  
experience des choses du Monde.

Vous nous direz donq, Messieurs,  
que nous vous auōs, mis en grād ac-  
cessoire & que c'est l'Estable d'Au-  
gias ( comme disont les Clercs ) &  
que vous n'estes pas des Hercules  
Gaulois. Il y a biē de l'ordure. Vray-  
yemēt ce mon : Mais ce ne sommes  
pas nous qui l'auons faicte. Il y a par-  
my vous tant de Docteurs, d'histo-  
riens, de Legistes. Voyez comment  
les Perses, les Medes, les Grecs & les  
Romains, mais sur tout les François  
se sont gouuernez en la corruption  
des Estats. Et ie croy que sans aller  
plus loin vous trouuerez dans les  
Ordonnances de nos grands Rois  
tout ce qu'il faut pour rendre vne  
Monarchie aussi parfaitement heu-  
reuse que la condition de la foibles-  
se humaine le peut porter. Je l'ay

ouy dire à des Clercs. Examinez  
tout, Acordez bié vos chalumeaux  
& vous orrez de bós accords. Pour-  
quoy tant d'honneur, de preroga-  
tiues, de priuileges, d'abondance &  
ne vouloir point fueilleter les An-  
nales, les Pancartes & les Chartres  
pour le bié public? Piez plats, direz  
vous, silance, vous nous tabustez  
les cerueaux. Nous sçauons tout le  
Grimoire, il n'y a rié plus a fureter la  
Frâce est plaine de belles loix. C'est  
d'elle que nos voisins les ont em-  
pruntees, mais il luy est arriué com-  
me aux Cordonniers qui chaussent  
bien les autres & ne sont iamais bié  
chaussez. Par S. Ieá vous nous rédez  
quinaus, Messieurs des Estats, : Il  
n'y a pas vne lettre perdue. Ho! ho!  
voilà dōc la responce cathégorique.  
Nous vous supplions qu'il nous  
soit permis d'esplucher ce Negoce



& peser sagement d'où vient vne si lourde faute & si dommageable. On est puny pour dire le vray, si le faut-il dire. Ce mal-heur vient des Rois & de leur Conseil. Quand vn hōme est yure il se precipite à tout peril. Ce ne sont pas les jambes, les bras, le foye ny la rate qui en sont cause. Et qui doncq à vostre aduis? C'est la Tieste. Les yeux guident & les piés portent. Ce sont offices reciproques. A qui tient-il que les loix ne soient bien obseruees? Aux Magistrats. Le premier Iuge & Magistrat du Royaume c'est le Roy. Il faict les loix, les defait, les corrige, les modifie, tout avec Iustice, autrement il n'est plus Roy. Il est donc l'Ame des Loix, non seul, mais son Conseil despendant de sa Majesté, Conseil suiuent lequel il se gouuerne. Il arriue que le Prince est de

mauuais naturel ou a de mauuais  
Conseillers, par consequent les peu-  
ples sont opprimez & tout va en cō-  
fusion. La faute, a ce compte, n'est  
pas d'un seul, mais de plusieurs.  
Quand le Prince souuerain est mal  
disposé de son entendement ou en  
bas aage il faut auoir recours à son  
Cōseil. S'il y a du mal c'est à luy qu'il  
s'en faut prendre, & à qui donc, au  
Marguillier de S. Merry? En ce bas  
aage de nostre tres-grand LOUIS 13.  
nous auons son Conseil. Suiuant les  
plus belles constitutions de l'Estat  
la Royne sa mere en est le chef. Mō-  
seigneur le Prince, les autres Prin-  
ces, Officiers de la Couronne, prin-  
cipalement Monsieur le Chancelier  
& plusieurs Grands y notables per-  
sōnages de l'Estat font tout le corps  
c'est donc à ce Conseil qu'il se faut  
prendre en ce temps, si les bonnes  
loix

Loix ne sont pas obseruees; car il ne tient pas à nous que nos vaches ne nous soient réduës, & ie m'en raporte aux preneurs.

On nous dira que dans ce corps du Conseil qui doit estre le Baze de l'Estat, il y a bié des parties vlcérées d'ambition, d'auarice, d'enuie & de toutes sortes de malice. Nous le cognoissons tous, & les estrangers s'en moquent. Quoy pour cela, Messieurs des Estats? N'estes-vous pas assemblez pour cest effect? Estes-vous venus icy pour apprendre a danser ou a jouier du flageolet? N'estes-vous pas choisis expres pour parler librement & iustement pour le bien commun? Vous despendez tous les iours six mille escus, & vous ne direz pas franchemét vos aduis? Serez-vous des vaches ou des buffles insensibles à nos maux insupporta-



bles ? Le Roy selon la cognoissance  
que Dieu luy a dōnee en ce bas aage  
qui surpasse l'ordre commun de  
la Nature (aussi est-il bien qu'homme  
par dessus les hommes ) desire  
que son Royaume soit réglé saintement  
& iustement. La Reyne sa mere  
qui aime plus l'Estat qu'elle mesme,  
& nostre felicité que la sienne  
propre, bonne s'il y en eut iamais  
entre les Reynes n'a point de plus  
haute ambition. Elle veut rendre  
compte aux Estats de sa Regence, a  
quoy elle n'est obligee ny par les  
loix diuines ny par les humaines. Se  
vit il iamais rien de pareil ? A qui tie-  
dra-il donc qu'un bon ordre esta-  
bly en ceste Monarchie ne soit ob-  
serué ?

Nous sçauons bien que le Roy ne  
tient que de Dieu & de son espee,  
que sa puissance est absoluë & sou-

ueraine. Ainsi nous parlōs avec toute humilité & reuerence tenant les Estats : mais c'est en cela que nos Roys ont surpassé tous les autres. Car parvne assemblee legitime ils se font tousiours cōmuniques à leurs peuples comme peres, non comme seigneurs seulement, pour ouyr leurs plaintes: c'est la plus excellente harmonie des Estats & formes de gouvernement qui soient au Monde, & la plus admirable ou l'Empire & la Clemence, la force & la Bonté sont jointes de façon que lors que le Prince souuerain n'aime plus ses subiets comme ses Enfans il desiste d'estre Roy. Voila donc les subiets qui representēt les maux à sa Majesté, tout cela ne git qu'en aduis, remonstrances, supplications. Apres le Roy fait ce que bon luy semble par l'aduis de son Conseil. C'en est doq.

pas vne bride à la puissance souueraine, il est vray Messieurs des Estats: Mais je vous diray le secret. Lors qu'on represente viuement à nos Rois les Necessitez de l'Estat (côme vraymēt Rois & non Tirans) ils ont compassion de leurs subiets & mettent ordre aux affaires. Et si vous employez le tēps à songer à vostre particulier & à vous piquer les vns contre les autres, quel moyen d'en decouurir les maux & d'en rechercher les remedes? Ainsi tout demeurera en confusion & l'Estat tombera en ruine.

Nous sommes pources idiots & ne remarquons (selon nostre foiblesse) que les choses grossieres. Nous vismes faire vne cure en passant, d'un miserable qui languissoit pour ne vouloir permettre qu'on luy coupast certaine partie de son



corps. Les Maistres experts luy disoient que la Cágrene s'y aloit mettre & qu'il estoit perdu. En fin il souffrit qu'on la luy coupat après auoir eu beaucoup de mal & sauua tout le reste. Qu'on oste donc ces parties vlcerées qui ne font qu'infecter ce grand corps si on le veut remettre en sa premiere vigueur & santé. La Difference de ces deux corps sera notable: Car à ce patient le corps luy demeurera mutilé, & cestuy-cy au contraire en sera plus entier. A l'autre on ostoit vne partie necessaire nee & nourrie avec luy naturellement: A cestuy-cy on arrache des excremens engendrez par les excez & debauches des desordres & des guerres ciuiles; Corruptions de la malice des hommes, puanteurs des derniers siecle du Monde.

Vous estes comme Ephores pour

corriger nos maux qui ne sont pas  
irremediabiles si vous auez iugemēt  
& courage de bien faire: Mais vous  
n'y allez que d'une fesse, perdez le  
Temps en ancre & en papier, en  
Discours inutilles en vanité de pres-  
sance, complimēs & autres baga-  
telles qui n'agrent pas à ceux qui  
vous defrayent. Quand on parle à  
aucuns de vos despences ils disent  
souffriant & dōnant du nais à qui  
en a assez, que l'argent demeure dās  
le Royaume. ô la triste consolatiō !  
mais la grande desolation ! Celuy  
des Concussiōs, des faussetez, des  
larcins des finances & de la China-  
ne y demeure bien, & pour cela vos  
Conclusions sont elles iustes ? Le  
mauuais Argument de Sophistes  
pour les bourses des Communau-  
tez ! On nous dit encore pour nous  
reioiur, qu'au lieu d'exterminer à ja-

mais ceste maudite Paulete qui red  
le larcin hereditaire on la veut con-  
tinuer & qu'on ved toutes les char-  
ges & offices à la maison de Mon-  
sieur. Il y en a bié la pour nous fai-  
re deuenir fols par B mol & par B  
quarre & nous le sommes assez par  
Nature. C'est à vous Messieurs des  
Estats ou les Estats (comme il vous  
plaira) car ie suis vn poure rustique  
qui n'entent ja la Grammatique,  
c'est à vous Messieurs d'y mettre or-  
dre puis qu'ils plaist à leurs Maie-  
stez.

Nous craignons que nos Cayers  
comme nostre Argent s'en iront en  
fumee de Cuisine ou autrement.  
Les trois Estats en ce Royaume  
sont comme le cerueau, le cœur &  
le foye, tous trois vnis estroitement.  
Liaison incomparable, mariage ad-  
mirable de la Nature qui bute à leur



conseruation. Les Nerfs, les artères, les veines ont certaine tiffure & correspodance & contribuent tous en general & en particulier au bien commun. De leur Diuision s'esuit necessairement la ruine de tout le corps. L'Analogie qui est entre ces trois principales parties du corps humain & les trois Estats du Royaume est assez cogneuë. Le Clergé guide comme le Nort de la Pieté. La Noblesse soustient par son courage. Le Tiers Estat comme le Foye (ainsi qu'il a esté dit au commencement) distribue le sang par ses veines à ces deux excellentes parties & les nourrit. Il est de ces trois come d'un Nobre: vous n'y sçauriez adiouster ou diminuer sàs destruire sa Nature. Nous sommes des pources rustiques qui n'entédons rien à ergoter: Mais nous tirons bien de là

vn Argumēt que s'il n'y a vne bonne harmonie entre ces parties il ne faut attendre que la ruine de tout le corps. Or chascun vn de ces trois a son office particulier par lequel ils sont distinguez. Voyez les cinq doigts de la main ils sont separez & chascun vn a vn mouuement incommunicable aux autres, & toutesfois ils sont joints ensemble pour tout le reste. Souuenez-vous de la fable qu'allegua ce grand Senateur Agrippa durant la diuision de la Noblesse & du peuple.

Nous sommes aduertis qu'il y a vne mauuaise correspondance entre la Noblesse & le Tiers Estat. Ces iours passez on a dit certaines parolles où il n'y auoit pas beaucoup de laueur pour aucuns : Toutesfois dites simplement interpretées cruellement & sinistrement. Mauuais dis-

cours là dessus & menaces avec mespris qui tesmoignent que tout l'argent vif n'est pas dans les minieres. Pardonnez s'il vous plaist à ceste liberté, il nous sera permis de parler pour nostre argent fixe. En termes generaux il ne se peut mieux dire. *Que c'est vne honte qu'il faille que le Roy achete la fidelité de ses subiets à prix d'argent.* C'est la These generale qui est tres-veritable. La Raison ; Par ce que nous deuons tout au Roy par les loix diuines & humaines. De plus, la vertu n'est point mercenaire, elle est son loyer elle mesme en ses belles & glorieuses actions. Demeurant donq dans ces termes personne de sain iugement ne s'en doit offenser. S'en scandaliser est outrager la Vertu. Il ne s'ensuit pas neantmoins que le Roy ne puisse & ne la doieue recognoistre. Cela s'est prati-



qué de tout temps ( & sans sortir de  
chez nous ) d'où viennent tant d'Or-  
dres, de priuileges, de prerogatiues,  
de grands & aduantageux tiltres de  
nostre Noblesse que de la sagesse  
des Rois qui ont voulu honorer les  
vertueux? Tout cela est bien de plus  
haut relief que de donner pensions.  
Il y a doncq en ceste These general-  
le ( comme parlent les Clercs ) vne  
explication essentielle. *Que c'est vne  
honte qu'il faille que le Roy donne des  
pensions à des gens de neant, qui n'ont  
iamais seruy, inutiles, vicioux, factieux,  
& plustost dignes de supplice que de grati-  
fication.* Voyons le reuers de la Me-  
daille. Où scauroient estre mieux  
employées les Pensions que pour  
ceux qui n'ont point de plus haut  
desir ( apres la gloire de Dieu ) que  
de seruir le Roy, que de mettre leurs  
biens & leurs vies pour sa Majesté

& par consequent pour l'Estat? Et il s'en trouuera parmy nostre Noblesse vn bon nombre de ceste marque. N'est ce pas aussi la plus volontaire & la plus genereuse du monde? Pleust à Dieu qu'elle fust plus sage. C'est vne Niche où les compatriotes & les Estrangers ont placé vne statuë de la Temérité, pour accuser la faulse imagination qui la transporte & la rend miserable par les querelles.

Pour retourner à nostre These voilà donc le vray sens de ces paroles: Car autrement ce seroit parler avec trop d'impertinance. Disons, que cela touche plus au Tiers Estat qu'à la Noblesse, parce qu'il a plus de pensions qu'elle Il y a tant de Nobles qui ne sont pas à la Rose (nouuellement imprimez que c'est pitié. Ainsi ne faut pas se pointer la

dessus, & forger des interpretations chimeriques. Le cœur est le premier vivant & le dernier mourant. Que feroit le Foye sans luy? Mais disons aussi que sans les esprits naturels les vitaux ne pourroient subsister. Il est indubitable que la Noblesse est le cœur de cest Estat, aussi a elle tant de grands priuileges sur le commun: Mais voicy vne subarbade à l'insolence: ce n'est pas pour elle seule, c'est pour le bien public.

Il y a vn autre point dont on s'est piqué contre le Tiers Estat: *Que la Noblesse se rende capable d'exercer les Charges de la Justice.* Exemples alleguez là dessus de Charlemagne, & autres Empereurs & Rois de France. En general cela se peut dire pour l'aduenir. Interpretions sans passion: il ne s'ensuit pas qu'il n'y ait quantité de gentilshommes au Ro-



yaume capables de ces charges en toutes les façons qu'on les sçauroit prendre. Nos Seneschaux anciennement iugeoient & n'auoient point de Lieutenans (si ce n'est en leur absence) & la Iustice estoit entre les mains de la Noblesse. Loy expresse qu'on voit encore au Thresor *Que nul de robelongue ne puisse exercer la Iustice & estre iuge.* Le Latin de ce Temps là (dit Frere Guillaume) n'estoit pas si friand que celui du nostre, mais ceux qui le parloient estoient plus gens de bien. Ils n'auoient pas la Rhétorique si mignarde & si atifée, ouy bien la conscience meilleure. Je dis pour plusieurs. Tirons vne consequence necessaire de cela, que ceste grande & si vtile action ne consiste pas tant à sçauoir beaucoup de Latin que d'auoir ceste precieuse piece de

la bonne Conscience, si rare en ce  
Temps , avec vn bon sens & sça-  
uoir les principales loix & les Cou-  
stumes du Pays. D'ailleurs, Si on re-  
garde parmy ceux qui administrent  
la Iustice on y en trouuera des trois  
pars les deux qui ne sçauent pour  
tout que la Loy. *Qui potest capere ca-  
piat.* Ainsi donc Messieurs des Estats  
en ces deux propositions ( selon  
nostre pource jugement ) il n'y a rien  
de quoy la Noblesse se doie offen-  
ser. Et cerres c'est trop de bile de par-  
ler d'esperons , de laquais &c. Le  
mespris est vn foible instrument  
pour vne bonne intelligence sans  
laquelle il n'y sçauroit auoir vne e-  
troite vnion qui doit estre la pre-  
miere rouë de ceste grande Machi-  
ne. Ce n'est pas le moyen de reme-  
dier aux maux de l'Estat que de se  
diuiser. Quand quelqu'vn a mal à

vn bras auquel il a faict mettre vn  
apareil si l'autre l'arrache il n'y a pas  
moyen de guerir, mais a vostre ad-  
uis si luy mesme ne s'en ressentira  
pasauec tout le corps? Voulés vous  
que ie vous parle à la franche Mar-  
guerite, Messieurs de la Noblesse  
vous estes dignes de reproche & on  
vous a donné là vne brillade à pro-  
pos. Il est vray qu'il y a plusieurs  
Seigneurs & Gentils-hommes do-  
ctes, voire tres doctes, de bon sens,  
capables de toutes grandes admi-  
nistrations, mais c'est le petit nom-  
bre & il y en a tant d'autres esloi-  
gnez de ce port. Quand on oit or-  
dinairement vomir des parolles sa-  
les & puantes, blasphemer le Nom  
de Dieu detestablement, qu'on  
voit passer les nuits à berlander &  
le iour à faire retentir vn Tran  
Tran, se precipiter au peril & se  
couper



couper la gorge pour vne vieille  
lanterne, comme embrasser mil au-  
tres actions ou indignes ou inutiles  
avec transport, quel nom voulez  
vous qu'on donne à telles gens? Il  
me semble que celuy de Iuges & de  
Magistrats qui est si graue & sacré  
ne seroit pas bien à son iour de ce  
costé là. A ce compte le mespris nait  
de vos deportemens. En passant  
c'est vne petite Remonstrance taci-  
tement, & aduertissement au Le-  
cteur de faire mieux à l'aduenir. Ce-  
pendant le Tiers Estat acorde libre-  
ment que les offices de Iudicature  
ne soient plus venaux. Desire que  
la Noblesse suiuant son ancienne  
possession exerce la Iustice & de  
bon coeur luy donnera l'aduantage.  
Mais elle doit aussi trouuer bon  
que la carriere de l'honneur & des  
charges en la Iustice soit libre & ou-

H

uerie à la Vertu, à l'Experience, à la Capacité, ô glorieux combat si vous autres faisiez à qui mieux mieux. ô la belle Emulation! Louable Contrasté où chascun vn tasche de s'aduantager sur autrui Comme quoy? par force, par Tirannie? Non, mais par Pieté, par Iustice, par prudence & en fin par toutes sortes de Vertus. Aux autres Combats c'est honte d'estre vaincu, En cestuy-cy c'est vne grande gloire, En ceux-là demeurer derriere est reproche, en cestuy-cy aler apres l'imitation des plus parfaicts est tousiours louable & de haut prix. Les Caddets de ceste sorte n'ont point honte d'estre surpassés des Aynés & ce sont bié d'autres gens que ceux dont se faschoit l'autre iour. Toutes les Coronnes aux ieux Olimpiques n'estoient pas esgales, mais elles estoient toutes

honorables

1173.

L'autre jour sur la coste de la Mer en Poictou ie vis vn vieux Bâtiment, vne vielle Nauire & vn vieux Arbre. Quantité de gens travailloient à cestrois avec tant de peine, tant d'industrie à couvrir, cloüer apuyer qu'en fin ils renouellerent & affermirent tout. A propos mon Pere grand disoit quil ne faloit qu'une bonne racine pour empescher la cheute d'un gros arbre, Il ne faut point que ie face de rapport de cestrois pieces à ce qui est de l'Estat, Vous entendez bien ces analogies & proportions, Nos miseres sont assez cogneues & certes si sont bien leurs causes principales; Les femmes & les petits enfans en chafourrent le parchemin. Portés vous donc vertueusement en ceste excelléte oeuvre tous d'un



comun acord pour le bien de tous  
en general & de chascun en par-  
ticulier & que craignez vous ? Puis  
que leurs Maïestez ne respirent que  
le bien de l'Estat & leur Conseil n'a  
point d'autre but a quoy tiendra-il  
que nous ne recueillons bien tost le  
fruit de nos Esperances ; Acquitez  
vous de vostre Devoir en Equité de  
Conscience, autrement nous tien-  
drons nos Estats & nos grands iours  
& il y en a qui s'en repentiront, S'il  
arriue que les Montaignes enfan-  
tent ( comme nous en auons quel-  
que opinion ) Les rats ne feront  
plus à barres dans vos Greniers: Car  
ils ne hantent point les vuides &  
croyez que les mesmes tempestes  
qui nous menacēt vous acableront.  
Vous estes dans le mesme Nauire,  
de mesme maison & branches  
de mesme arbre. Quand le gou-

uernail sera rompu, les fonde-  
mens fapes & les racines arrachees  
iugez s'il y aura moyen de vous ga-  
rentir du naufrage, des ruines & de  
la cheute effroyable. C'est à vous à y  
songer pour vous, pour nous pour  
tous, On ne se trouue pas ainsi tous  
les ans sur le trottoir. Ne perdez  
point l'ocasion, Souuenez vous du  
paitre qui par hazard rencontra  
ce qui estoit denié à son Industrie  
& à l'art : Nous sommes à la veille  
de plus de maux que vous ne pen-  
sez. Souuenez vous aussi que les  
payfans ont vn grand aduantage  
sur vous, qu'ils beschent gaillarde-  
ment à la Vigne, labourant la Ter-  
re & que vous auriez aussi mauuaise  
grace à ce mestier qu'eux à dancer :  
Mais sur tout sçachez qu'il y en avn  
là haut à qui vous rendrez compte

de nos larmes & de nos sueurs &  
que vous ne rirez pas tousiours.

FIN.





1510

1511

1512

1513

1514

1515

1516

1517

1518

1519

1520

1521

1522

1523

1524

1525